

Akademija Qur'ana za sestre



Qira'eti i Qur'anske nauke

PRAVILNIK ZA STUDENTICE NAPREDNOG BLOKA

Pravilnik na Naprednom bloku

- Pravilnik stupa na snagu na Naprednom bloku Akademije *Putnice sa Qur'anom* 01. jula 2023.
- Na početku Naprednog bloka (NB), sve studentice imaju Redovni status i Primjerno vladanje.
- Sve studentice NB se dodaju u grupu *Napredni blok* i ostaju u njoj dok god ne napuste NB ili dok ne budu udaljene sa NB.

Vladanje

- Sve studentice su dužne pažljivo primjenjivati ono što smo učile na kursu Edeb studentice Qur'āna.
- Zabranjeno je dijeliti materijal Akademije: linkove predavanja, snimke predavanja, skripte, prezentacije, linkove zoom sobe ili Telegram grupa. To je emanet, a Allāh je Najbolji Svjedok.
- Sa drugim minusom iz vladanja (2 ili više minusa) u toku školske godine, studentici se snižava ocjena iz vladanja, čime gubi pravo nastavka studija na NB u *sljedećoj* školskoj godini.
- Ako studentica dobije 2 minusa iz vladanja, može u toku te školske godine nastaviti *slušati* i učiti predmete koje redovno pohađa u toj školskoj godini.
- Ako studentica dobije treći (3.) minus iz vladanja u toku studija, studentica se momentalno udaljava sa studija na NB.

Prisustvo i izostanci

- Sve generacije redovnih studentica NB se dodaju u glavnu Telegram grupu *Napredni blok*.
- Za svaki novi predmet na NB, šalje se *jedno* obavještenje u glavnu grupu sa pozivom da se do određenog datuma prijavite na taj kurs svojom gmail adresom kojom ulazite na YouTube. Sestre koje se prijave na traženi način, do danog roka, bivaju primljene na taj kurs.
- Za svaki novi predmet na NB, osniva se Telegram grupa tog predmeta. U toj grupi su samo redovne studentice tog predmeta (sve generacije). Studentice NB ostaju uvijek u grupi *Napredni blok*.
- Predmete na koje se studentice prijave *shodno obavještenju o prijavi za taj predmet*, studentice upisuju kao redovne. Tu ostaju dok na tom predmetu izostancima ne izgube redovni status. Ako se to desi, udalje se iz grupe tog predmeta, ali ostaju u velikoj grupi.
- Studentice koje imaju više od jednog (imaju 2 ili više) izostanaka u toku jednog predmeta (ako predmet traje duže od 15 hefti, onda: u toku svakih 15 hefti tog predmeta), prelaze u slušateljke *na tom predmetu* i bivaju udeljene iz grupe tog predmeta. Konkretno, predmeti koji traju do jednog semestra, dozvoljavaju jedno odsustvo. Predmeti koji traju duže od jednog semestra, dozvoljavaju po jedno odsustvo u svakom semestru.
- Studentice koje imaju najviše jedan (1) izostanak u toku jednog predmeta / semestra (ono što je vremenski kraće), ostaju redovne na tom predmetu (i mogu učiti na časovima qirā'eta).
- Nema naknadnog primanja na kurs, osim ako mu3allimah vidi potrebu da se doda extra studentica koja ranije nije bila upisana na NB.
- Izostanci se ne najavljuju, niti se pravdaju.
- Ako je studentica u iskušenju, prihvati to i ne kontaktira mu3allimu ili administratoricu da bi dobila posebne uslove (da joj se izostanak piše kao prisustvo). Sa drugim izostankom, biva premještena u slušateljke i, ako je imala lijepo vladanje, dobro je došla prijaviti se na taj kurs kad bude išao sljedeći put.
- Časovi qirā'eta *na kojima studentice uče* (HifDh ili tilāwet): studentice se prijavljuju na svaki čas, tako što otipkaju svoje puno ime i prezime na NB, npr: "*Velida Musić*", u za to predviđenu Telegram grupu, u za to predviđenom vremenu (dok je grupa otvorena za prijavljivanje na čas).
- Prijavljivanje se otvara porukom koju administratorica kursa pošalje u za to predviđenu Telegram grupu, sahat vremena prije početka časa, a zatvara se 10 minuta prije početka časa (za svaki predmet će biti obavještenje kad se grupa zatvara za potpisivanje).
- Administratorica ažurira i pošalje listu za taj čas u Telegram grupu, prije početka časa.
- RegistarSKI broj svake studentice je isti u toku cijelog školovanja na NB.

- Studentica koja se na vrijeme ne prijavi na čas qirā'eta, ne uči na tom času, ali može prisustvovati i slušati da se okoristi. Ako ostane vremena, može i učiti.
- Prisustvo se vodi samo za časove na kojima se predaje teoretski dio. Kašnjenje na čas se piše kao odsustvo.
- Neodazivanje studentice koja bude prozvana, se piše kao odsustvo, ako nije dodala u ime na zoomu razlog odsustva ("Namaz" ili "Hitno").
- Teoretski časovi: studentice se ne prijavljuju na čas. Samo ulaze na zoom kao "**Ime Prezime**" i, ako ste tako navede na početku kursa, potpišu se prije početka časa u zoom chat "**Ime Prezime**".
- Za prisustvo na času je potrebno da studentica ispuni uslove:
 - prijavi se na vrijeme na čas tilaweta,
 - da na Telegramu ima ime "**Ime Prezime**" (ništa drugo se ne prihvata),
 - da bude vidljiva na Telegramu (da je možemo dodati u grupe i prebaciti iz grupe u grupu),
 - da na zoomu ima ime "**Ime Prezime**" (ništa drugo se ne prihvata),
 - prije početka teoretskog časa, potpiše se u zoomu "**Ime Prezime**" i
 - odgovara kad na nju dođe red ili kad je mu3allimah prozove.

Polaganje ispita

- Mu3allimah prema svojim mogućnostima daje ispit. Ako nema mogućnosti dati ispit, ispit se neće održati.
- Ne traži se od mu3allime da održi ispit.
- Ispiti se polažu u redovnom roku, koji određuje mu3allimah. Nema vanrednih rokova.
- Ispit može biti bilo kad u toku trajanja NB (ne mora biti na kraju školske godine u kojoj je studentica studirala taj predmet), ili se kurs može održati bez ispita.

Sažetak:

- Glavna Telegram grupa na NB je *Napredni blok*.
- Na NB, u grupu *Napredni blok* se prije početka svakog kursa šalje poziv da se prijavi na taj kurs do određenog datuma, određenoj administratorici i da se pošalju određeni podaci (npr, gmail kojim studentica ulazi na youtube).

- Poziv na upis na kurseve nadogradnje se objavljuju u Telegram grupi osnovnog kursa na NB (poput kursa "Stajanje i počinjanje u Qur'anu, drugi dio").
- Sestre koje se prijave shodno pozivu, bivaju dodane u Telegram grupu predmeta na koji su se prijavile, u kojoj dobivaju sve informacije vezane za taj kurs. U toj grupi ostaju sve dok su redovne na tom predmetu. Kad pređu u slušateljke na tom predmetu, bivaju odstranjene iz grupe tog predmeta, ali ostaju u velikoj grupi *Napredni blok*, čekajući početak / prijavu na sljedeći kurs.
- Grupe pojedinih predmeta se svake godine popunjavaju novim studenticama. Samo prva generacija NB ulazi u praznu grupu. Sve sljedeće generacije ulaze u grupu u kojoj su već studentice prethodnih generacija, kao i materijal tog predmeta (npr. snimci ili skripte).
- Studentica koja je u iskušenju, ne kontaktira administraciju, ni mu3allimu, da bi objasnila zašto ne dolazi na časove.
- Ako se pređe u slušateljke na jednom predmetu, to ne utiče na status na drugim predmetima. Na svaki predmet na koji se uredno prijavi, studentica ulazi sa statusom R (redovna).
- Nakon kursa, mu3allimah može dati ispit ili ne. Studentice ne zahtijevaju i ne pitaju da polažu. Mu3allimah daje ispitni rok kad je u mogućnosti.